

Dankesrede in Versform

von Theo Langels †

Liebe Heimatfreunde, liebe Gäste!

Wenn esch ösch he, en die schön jeschmückte Mühl so sette senn,
falle mesch Papa on Mama en,
min Jurend en Meerbusch, min Heimatstadt,
dat schuene Osterather on Strömper alde Platt.
Jriene köss esch wie eh Kenk,
wenn esch so an früher denk.

Tehn Blahre hätt min Mamm jekräje,
do sprok man noch von Kengersäje,
et jov noch kenn künstliche Babykoss,
Mottermelk, uht Mamma sin Bross.
Von wejen Badeöl ut Fläsche,
möt Schmierseep wohte werr jewäsche,
die Zenkbütt en de Kück jestellt,
dann afjetällt, off kenne fählt,
een Bütt Water foerr tehn (10) Kenger,
dann kome Papp on Mamm noch dohenger.

Mött oss schlohpe, wor et och all so jett,
förr 5 Blare eh jrut Bett.
Esch schleep medde en de Kull,
ne läckere Schnüggel en de Mull.
Morjes kräsch esch se von Mamm jeresse,
oss Pitterke hatt minne Hämpschleep bedresse.

Werr leepe och emmer wie die Aape
schöne fresche Pätzkütel raape,
die brugde Pappa förr der Jaht,
em Suumer jov et emmer fresche Schlaat,
em Wenkter Bonne uht de Tonn,
ja, do hossde die Mamma emmer von.
Esch kann die Tiet noch nett verjähete,
voll Bonne hätt min Mamm jejähete.

Werkelsdachs send werr mött Pähd on Warel
janz ömmesöns noh de Scholl jefahre.
Werr hönge oss henge an de Brack,
dä Buur schloch oss dann emmer mött de Sohmeck op dä Sack.
Die ahl Scholl wor et, err wätt et noch wiete,
Jahrzente esse all affjerieete,
doch hadde de Liehrer öwer oss Blare
wenigstens noch alleen te sare.
Elternsprechttag, sonne Quatsch,
wä nett parierde, dä kräsch se jewatscht.

Friedachs mosse werr bischte jonn,
am Bischstohl manchmohl Schlange stonn,
werr wadde jähr, denn osse Pastur
hürde nett joht om lenkter Uhr.
Kaplön soht em Bischstohl näweahn,
do kom man ohne te wade drahn.
Man merkde genau, wäh en Dutsöng jedonn,
dä maut nett jähr no Kaplönnsche jonn.

Samsdachs deng Mamm en paar Wägge menge,
dä Deesch moss esch dann emmer nom Bäcker bringe.
Sonndachs kräsch dann jede Puut
Zwei Schnieje Wäck mött Röbbekrut.
Sonndachs word äwer och jähr jerohne,
watt diet Mamm hütt Meddach brohne.
Wenn et läcker suhr jerohke,
hatt wier an Päd dör Hals jebroke.

Wohr de Schollarbeet jedonn,
dörfte werr all spiele jonn.
Werr spelde alltesame, Mädche on Jonges,
et word jehenkelt on Sellsche jespronge,
jekneckert, jedoppt on Rolle jefahre,
die Jruhte mosse die Kleene verwahre.
Töshedur word an Nobbers Häck
dur et Been von de Lifkesbox Pippi jemäckt.

Em Wenkter, wenn ett eschte Strohteleet jebrannt,
Wohrd Hals ower Kopp noh Huus jerannt.
Mamm hatt all jesorscht, esch verjähete et nie,
om Dösch stong all en Pann Industrie
on förr jedem en Tass Kamelletie.

Papp wor ett Schwattbrut op de Machien am schniee.
Et jov kenne Teller, mött alle Mann
word jekümmelt ut de Pann.

Minne Papp, dä jönde sesch fast nix,
dä sparde an alles, sojar an de Wix.
Op dräckije Schuh word ewes jespoet,
dröwer jebüschelt, dann morjens wier an de Foed.
Enn Frisör, dä kannde werr nett,
werr drohre alltesame dä Kamerspottschnett.
Op da Kopp sätt dä Papp oss dä Kamerpott,
watt erut koom, schniet hae ronkeröm fott.
Wenn die Mamm datt dem Papp deng,
dann meek dä emmer en Schnuut,
sinne fussije Kopp soh dann wie enne Stüwer ut.

So, minn Tiet es jetz öm, denn et jet weiter
äwer vör allen Dingen möht esch mesch
vielmals bedanken für die Verleihung der Jacobsleiter.

Esch wor jerührt on han mesch jefreut,
datt esch so jeehrt word, hei esch nett jedeiht.
Minne besongere Dank jelt och an All,
die mötjewirkt on jeholpe hand, op jeden Fall.

Also nochmals meinen herzlichen Dank
dem Heimatkreis hier in Lank!



„Jakobs Traum von der Himmelsleiter“, Gemälde von Ludovico Cigoli (1593)